

The Makuilongdi Express

Liangmai Daily Newspaper

"Majibo niu ngamne"



FC Barcelona gu defender khatdi Pop star Shakira kina Gerard Pigue hai panou Shakira panai katek n-pek lusai aliu kasan Clara Chia Marti tu taki lan jiu bamme. Shakira panaitakum 11 majang lungkhai lujiu thaikum Changihui(June) gasu pek mibowe. Panainah khangnia lungkhai jiu bambowe.

Tadmibo Nidwannai India nai Singapore Hung Thinh Football Tournament Thong Nhat Stadium, Ho Chi Minh City, Vietnam ga mathenjiu goal khat-khat chan khaijiu draw tad mide. India gu goal hai Ashique Kuruniyan niu chan khai-e.



Zengtung 26 N-genhiu 2022 Mennai Chiang PO Tamei, Tamenglong Dist. Manipur Vol.01. Issue 5 Page 1

Sijengniu naliu kapangmai thi u makjiu, chiudi Rapiu niu naliutu degu pikam khai milo chiubo phui lulo.

Ephesamai 5:17

Bangladesh Kadihga aliam malinbo gasu chamai 23 san shai mide



AFP Reuters Bangladesh.

N - g e n . 2 5 : N d a h n a i Bangladesh kadihga aliam malinbo gasu chamai 23 san saimide chiujiu tachamga dinne. Police officer Shafiqul Islam niu dinjiu tuhoi firefighters nai divers dungniu phiuboga chamai 23 ra phiulu mide chiudi chamai keng lam phiudou lu makha ye. Sbo aliam gasi chamai 50 ra Hindu mai chara thiura tadkin mai ye. Jahurul Islam, district administrator of northern Panchagarh niu dinjiu tuhoi hai matin mibo chamai dungtu phiupat ra tanjiu tadkiu bamme. Tuhoi phiupat bambo hai kakeng lamra nahmai nai maipui mai ye chiujiu dinne.

Din masan khalbo. Aliu Lianglad ga chalad keng kahabo maksai chamakbo bambo wanga English lad hai khaijou mak doulakbo wan patpatbo jengniu thin mak doulakjiu thin boga mathiu manining mou khai mak ra sikhai ye.

Tamenglong district gu tamtambo phom niu CRPF maikhatniu Puiluanh ga bomb phumkhai botu suini makjiu madu khai mide



Tamenglong

N-gen. 25: Tamenglong district ga bambo tamtam phom waju niu ndanai Puiluanh (Kambiron) ga CRPF pajanniu sai Thiyam Ashok Singh, CT/INT FORCE NO>055154631, 87 Bn CRPF gu charimai niubomb phumkhai bo situ suini makbo madu khai mide. Puiluanh nam haisi National Freedom Fighter Haipou Jadonang ramme. Patuhai Puiluanh apei ga 87 Bn CRPF Assistant Commandant

joujiu majang wangjiu chalad maniu boga, haibongam panu tenkiu bohain 39 Assam Rifles Nungba Outpost at Puiluanh ga bammai gu maning nge chiujiu panu dinne. N-danai Nidnai Nungba Area Village Authority Association (NAVAA), RNCM Luangba Luangrian, RNLPM Luangba Luangrian, RNSOM Luangba Luangrian khatdi NAJAC palu mathiu gu ladbam ga haikumbo Indian.....

condt. P.2

Manipur High Court gu ladzan tu sui lakge Supreme Court ga atung lanra ye. Lorho Pfoze

Imphal. N-gen.25: Outer Manipur Parliamentary gu MP Dr. Lorho Pfoze tu Manipur gu High Court niu tadmibo 2019 gu election ga panu vote kiubo si luta mine khatdi patu atungbo piu Houlim Shokhopao Mate alias Benjamin Mate niu pamalin ga Outer Manipur Lok Shaba gu MP thi u lan mira bo-e chiubo lazant tu padi atung lan raye chiujiu n-

danai tacham lumai khuga din mide. Tadmibo 2019 Kariahiu zengtung 11 nai haise NPF's Dr Lorho Pfoze tuhai vote 3,63,527 doujiu vote kiumi bo-e chiujiu madu lujiu pahai tuhoi MP thi ujiu bamga Houlim Sokhopao Mate alias Benjamin Mate vote 2,89,745 doubu piuniu Manipur High Court ga DR Pfoze niu pagu nomi nation file kambo wan ga nomination chega pagu kabambo chapot kakeng phung madu.. Contd. page 2

Chagahiu zengtung 1st nai Prime Minister Narendra Modi niu India ga 5G lepat misune.




NATIONAL

5G services to be launched in India on October 1 by PM Modi

Imphal time

N-genhiu 24: Prime Minister Narendra Modi niu wangkinbo Chagahiu zengtung 1 nai India ga 5G hai India Mobile Congress, Pragati Madan lepat bongam kamne chiujiu tacham ga dinne. India Mobile Congress (IMC) haisiniu telecom, media, khatdi technology forum niu asia ga thi u jiu ra dikachangbo technology exhibition thi u bambowe. Thaikum tadmibo N-khamhiu lungga Department of Telecom niu spectrum auction kamjiu companies madai Reliance Jio, Bharti Airtel, Vodafone Idea khatdi Adani Data Networks niu crore lakh khat paphan (Rs 1.50 lakh crore) leng phoulu mibowe.

Karingting Lunlung



#Chakabo aliu haibo Liangmai gu singgiu ga lungsi lakmine, maisang lam phiutad mi takhe.

@@N-de kamja?

###Palen patdi alang thonmi, tatu hakga n-gut n-baidi generator/inverter matin mi ajai kasut ga n-baidi tachi u khaikiu n-de chiu lungsi lah!

Maitu n-khabo joumak sai aliu ronna aliutu n-kha ngam lakge

Editorial

Kadpatbo .

Aliu Liangmai Society ga tuhoi aliu leng pageng bam kachangbo hai kadpatbo hai siye. Thengsu disu mibo society hai degasu thengsu disu bolo chiubo phuisai kadpatbo hai kengbo jengniu we. Aliuniu tadjiu bambo n-pui kapha tu phuibo ga aliura government tu ronnang mataibo gasu government niu kamwang tangmakbo wanga aliu n-pui hai tad doulakjiu accident kengjiu patbo bamme. Pazam khat sabo banga chamai 10/20 niu kadpatjiu changam kamkhai sai kasoi kalan wajuu tudi kalan lubo bamsui ye. Haikumbo phuibo tingga aliu society ra sonchang sonbam khabo leng ngou patle. Mathiu ngam kambo gadi phuibo wanga eg. (Job Card) ngam kambo wanga kakeng lam niu mathakjiu chara cham dinjiu, chamai 100 niu kamrabo ngamsi 10/20 niu kambo kengjiu bamme. haisi aliu society ga kam kali lumaksai disu khang jiu maitu hatangra chiubo ra kung sune.

Mathen cham



Barcelona, Spain 25 Sep.

Tadmibo nidkak Nidwannai UEFA Nations League football Sinobo stadium Prague namdih, Czech Republic ga Portugal nai Czech Republic mathen jiu Portugal niu goal 4 chankhai jiu ngamkhai mide. Chiudi kadhipiri ga football mathen ga palu jan tadbambo kadih, Spain maira Switzerland tu ngam lakjiu tamine.

MLAs 92 hai resign thiumi raboi Sachin Pilot niu CM thiusai chiujiu kachan bam mide.



TOI. Delhi.N-gen.25

Rajasthan State Congress Party kakga n-danai chuncham lakbo patjiu bam mide. Tuhoi Chief Minister thiubambo Ashok Gehlot tuhai suisai Central Congress Party gu leader leng lukhai lujiu Sachin Pilot tu malin khaira chiubo jengniu we. Masuang Deputy Chief Minister Sachin Pilot tu Rajasthan gu Chief Minister leng kada khaisai aliura resign thiumi raye chiujiu Congress MLA khatdi paliugu allies MLA 92 hai n-danai MLA dung bus gasu Speaker C.P Joshi kiga tadjiu kachan khai

mide chiujiu tacham gasu dinne. Chiudi Sachi Pilot tu machuangbo MLA dungniu dinjiu paliura resign thiulakge government form thiura jengniu BJP tu khat thiumi raye chiujiu dinjiu bam mine. Haibo kabuak padjiu bambo haisiniu Gandhi kinungkhun lengdi kakungbo thiujui bam mide palamra Ashok Gehlot tu party chief lengjukhai lujiu natu (Sachin) pijiu CM bam hai malin khai raboi chiujiu Congress President Sonia Gandhi, masuang President Rahul Gandhi khatdi general secretary Priyanka Gandhi Vadra paliu niu dinkhaibo jengniu we.

GOVERNMENT OF THE PEOPLE'S REPUBLIC OF NAGALIM

Office of the
Central Administrative Officer
Makuilongdi Zeliangrong Region

NOTIFICATION

20TH September, 2022.

No. 18/MZR/NT/2022-23: Refrence to this Office BAN ORDER Vide No. 108/MZR/BAN-ORDER/2020 dated 11th May, 2020. Notified to all Villages and Blocks Chairman and Secretaries within Makuilongdi ZLR Region to immediately identify poppy cultivators in your respective village and block and submit detail identity of the defaulters to this Office on or before 10th October 2022.

In the event of failure a collective fine shall be impose without any further notification or communication.

Sd/
(Ch. Parangkamlubou)
Caretaker/CAO
Makuilongdi ZLR Region

Sd/
(S. Makuimai)
Region Secretary, MZR.

Tamenglong district gu tamtambo phom niu CRPF

. security niu changam pathou kamakbo kambo hai aliu Naga maitu wathou thiu makbo we siron nang makjiu Haipou Jadonang tu lungkhaibo nam aliu mathiu niu chakhuang thiujui bambo namga haikumbo ngam kambo hai ka awanbo ngam me chiujiu dinne. Khatdi haikumbo changam pathak kamakbo ngam kam maitu CSOs niudi codemn thiukhai ra khengsan khai mide. Chiu lujiu Puiuanh Apai kiga majang wang lujiu palu gu tacheng sai suiuiu ladjan tadkiu khai mide khatdi majon di lukhai mide chiujiu tacham ga diinne.

Manipur High Court gu ladzan tu sui....

condt. from P.1

makjiu n-bai ye chiujiu petition hai pijiu palon chakui court niu ladzan thiujui n-danai Justice MV Muralidharan niu madu patjiu Pfoze si maji makge sinu Benjamin Mate niu MP thiu mira bo-e chiujiu senpat mibo-e. Sisitu padi Supreme Court ga atung lan raye chiujiu tacham lumai khuga din.

Pisikhaibo

Chakhuang thiujui bambo khatdi haibo Makuilongdi tu chalung sajiu kenkhaijiu bammai mathiu khuga kheng khai bo-e. Wimak bamdi maksai maigu standard kum tang mak bamdi aliu Liangmai janne chiubo jai gasu subscribe thiukhai karen janlo. Chahiu ga 100/- ronnang nge. Pahang ga khaibam bo number 9366176046/8729922998/haiga nagu wattup number khatdi najan nai add pikhai khelo. Hard copy doutang lakjiu tadi PDF gasu di subscribe thiukhai khera agun bamme. Aliu Liangmai haibo The Makuilongdi kenkiu boga wangtang makbo khatdi khaisan kanibo mathiu leng wirabo pageng maning patbo bamsai chalung sajiu dinsa makjiu pikhai bambo phone no. ga dinwang khailo mathiugu suggestion tu welcome thiuwe.